

mutent per abusum. Vomeres inquam commutant in gladios, cum ueritatem dimittentes per mendacia populum in foueam dampnacionis perpetue detrudunt; predicant enim quosque dignos uenia, quum tamen odio digni sunt et a participatione Christi fidelium excludendi. Hinc est quod per abusum preciosum illum thesaurum dissipant magis utique quam dispensant. Dicunt enim remissionem eos obtinere peccatorum pro quocunque modico subsidio temporali largas indulgentiarum gratias populis simplicibus condonando, quod falsum est omnino et absurdum. Vbi aduertendum, quod indulgentiarum donaciones ad potestatem ligandi et soluendi pertinent &c. Qua occasione plura non spernenda de hac materia.

III. fol. 112. Collectanea homiletica in *Epistolas* et *Evangelia* in Ecclesia legi solita. Initium ab *Epistola Jacobi*: *In hac Epistola beatus Jacobus apostolus premia bonorum ostendit que per patientiam adipiscuntur* &c. Quae sequuntur, potissimum ad *Aduentum Domini* pertinent.

IV. fol. 157. Alia Collectanea: 1°. de *Caussis*, cur Christi Corpus in *Missa* eleuetur. 2°. de *Acceptione Munerum* et *damnis* inde *provenientibus*. 3°. *Fragmentum Missae de Lancea* et *Clavis Domini*. 4°. *Homiletica* pro tempore *Paschali*. Omnia *levioris momenti*.

V. fol. 176. *De Corpore christi et contra infideles huius sacramenti*. Initium: *Impugnantibus uerba ewangelij et ignorantibus cir-*

ca sacramentum dominici corporis &c. Ad calcem: *Et sic est finis sermonis magistri. H. quem fecit in die corporis christi coram clero et communi populo in Boemico. Anno domini M°CCCC°VIII°.* Reipsa *Joh. Hussi* est, ut indicavimus *Cod. CCCXXIII.* et alibi, ubi additum, haberi in *Edit. Opp.* Ejus *T. I.* p. 202. sed Editores in *Exemplo* suo nec notas *Temporis* habuere, nec scivere, *versionem esse e lingua Bohemica.*

VI. fol. 181. *Utrum christus omnem sanguinem qui de corpore suo effluxit in eodem corpore hora resurrectionis glorificauit.* Initium: *Nota quod christum sanguinem qui de corpore suo effluxit* &c. Est pariter *Joh. Hussi*, extatque *Opp. T. I.* p. 191. nobis vero *Codd.* aliis, ut docet *Index.* Ultima bina *Cod.* folia ad *Fragmenta* spectant, a quibus *N. I.* recensum auspiciati sumus.

CIV. VI. 75

Codex membraneus lat. Sec. 389 XIII. Folior. 64. 4. probe scriptus, literis initiorum rubro viridique variis est *Commentarius in Threnos Jeremiae* defloratus ex amplioribus *Commentariis Paschastii Rathberti O. S. B. Abb. Corvejenf.* in dioec. *Ambianensi* Scriptoris *Sec. IX.* qui leguntur in *Bibl. PP. Lugd. T. XIV.* p. 759. juxta edit. *Sirmond. Paris. 1618. f.* Deflorator ex *Operis clausula* huc revocandus, ubi legitur: *Sufficiant hec in lamentationum Jeremie. que de patrum fontibus hausi*

ego gislebertus altisiodorensis ecclesie diaconus. Gislebertus hic f. Gilbertus Scriptoribus Hist. Lit. Franc. T. IX. p. 90. Arémorix, Oudino T. II. col. 1014. et Tannero in Bibl. Brit. p. 318. Anglus ab eruditione dictus Universalis a Canonatu Altisiod. ad sedem Londinensem evocatus obiit intra ann. 1134 — 39. Commentarii nostri Exempla mss. plura offert Oudinus, eaque inter Cantabrigiense Collegii Caji et Gonelli, quod eadem cum Nostro subscriptione gaudet, unde facile erraret, qui Nostrum *αυτογενερον* diceret. Incipit istud a loco Origenis et Eusebii Pampb. qui, quid hic pertineat, nondum video. Origenes. *Iusticiam accidentem quis habere potest unde et decidere eam possibile est.* Phamphylus. *Incusatur origenes qui dei filium innatum dicit — et quod anime minorum animalium rationales sint.* Abhinc: paschasius. *Sunt cantica cantycorum. sunt et lamentationes lamentationum &c.* Itaque excerptur Paschasii Praefatio primum, et dein ipsa Expositio, sententias saltim delibando retenta tamen plerumque ejus phrasi, ut conferenti patebit. Locis Paschasianis nomen Autoris praefigitur candide, addito solum *historialiter, moraliter, vel allegorice.* Quae Giselbertus de suo addit, pariter nomen ejus praeferunt, et mediocria sunt, nec quae nomen Universalis tueantur. Quare juvenem fuisse oportet, dum in his occuparetur. Exemplo fit primum, quod Paschasio interji-

cit, segmentum: *Lamentationes ieremie membro patet orationis maxime distingui, uel dissoluto colorari. Res enim breuiter absoluta sine totius sententiae demonstratione dicitur, quia alio orationis membro excipitur. sicut hec est. plorans ploravit in nocte &c.* Interdum uero dissolute coniunctiones de medio afferuntur. partes separate efferuntur hoc modo. *Quo modo sedet sola ciuitas plena &c.* Et more rethorico aliquando duobus membris aliquando tribus uel pluribus constat oratio. Finit tota compilatio: *Ite maledicti in ignem eternum. et iam nec penitentiae nec uenie locus erit.* In quae et Paschasius definit. Tria addo: Versibus Prophetarum singulis litera majuscula exaratis expositionem suam subdi, et neminem Literatorum, quos consului, prodere, in cuius vitula Gislebertus araverit; denique Cod. LXXXVI. aliam indicari Threnorum Expositionem, quae ad illum pertinere videtur, quamque marte proprio adultior factus elaboraverit.

CV. VI. F. 23.

Codex membraneus lat. Sec. 407— XIII. Folior. 143. 4. luculente scriptus, et rubricis enotatus est Giselberti, Gisleberti, seu Gilberti e Diacono et Canonico Ecclesiae Altisiodorensis ad infulas Londinenses Sec. XII. subveſti Commentarius in Threnos Jeremiae Proph. e PP. et maxime Paschasii Rathberti sententiis concinnatus, qualem jam Cod. praeced. indicavimus.